



بلتی شوقیو



بلتستان دائره مصنفین سکرو

بلتی شوقیو - ۲

بلتستان دائره مصنفین سکرو

بسم اللہ الرحمن الرحیم

نام کتاب	:	بلی شوقیو - ۲
پیشکش	:	بلتستان دائرہ مصنفین سکرو
مجلس ادارت	:	محمد حسن حسرت، پروفیسر حشمت علی کمال الہامی، محمد قاسم نسیم
نگران	:	محمد یوسف حسین آبادی
کمپوزر	:	غلام حیدر منٹھو کھا
ناشر	:	بلتستان بکڈپو، نیا بازار، سکرو
اشاعت :		بار اول
سال اشاعت	:	2017
قیمت	:	120

ملنے کا پتہ

بلتستان بکڈپو، نیا بازار سکرو

ٹیلی فون نمبر 05815-455166

یلداغی ژهر کن

ژهر	یلداق	رې کھن پو	غډونگ هر ژس
۱	تم شیس	اداریه	4
۲	حمد - بلوخمه اشی ستودکھ	شیخ غلام حسین سحر	6
۳	نعت - بلوخمه رسول ستودکھ	راجه حسین علی خان محب	8
۴	قرآن مجید	محمد یوسف حسین آبادی	9
۵	نظم - قائد اعظم محمد علی جناح	راجه محمد علی شاه صبا	11
۶	خلونگ نه چھو	پروفیسر شربت علی کمال الہامی	13
۷	امانت داری	شیخ محمد جواد حافظی	17
۸	بلی تم لو	غلام حسن حسنی	20
۹	علامہ محمد اقبال	محمد حسن حسرت	22
۱۰	گلگت بلتستان	محمد قاسم نسیم	25
۱۱	مثالی طالب علم	الحاج محمد علی مہدی	28
۱۲	نظم - انو	محمد افضل روش	32
۱۳	سکدیو یکل "شکر"	وزیر حامد حسین	34
۱۴	ہرمکپہ نیسی زدر ونگ	یونس جون	37

تم شیش

شیس میدپا انسانی خون لوکھ پو گو تھوس مہ میگوے ان زیربو گنگمہ لا رچھد کھ
 یود۔ یو بی فری میول گانینگ فرومہ چک سکد کئی روہلتری شیس ہلڑابی چھیم پو کوپانہ دوسے
 تھونی من درولے یود۔ شیس کھن کئی زیربو نہ زومے سو سولے سکدنگ ہلڑبھی علم پو
 سینگ لہ لش یارید، ہلڑب فونگ سنٹی ہرژانہ اشی بید۔ دینہ دوڑوخ پو رگیا ستریدی ثربہ
 کھوتی سکد کو نینگو شیس ہلڑبہ فری میولینگ یچہ حق گو تھوس گوین یود۔

بلی سکد بلتستان، کرگل نہ لداخ سی میونی فہ سکد ان۔ اما بلی سکد یلنگوگا
 سکول نہ مدرسہ فریڈلے لافیسہ یا سے شیس ہلڑابی جوخ نہ فرالوکھ جی دقسن تھونی من
 سونگفہ میدپا۔ دو بی فری دی سکد پو ستورین گوین یود۔ بلی یلی شیس یو دلوڑے چن پچھیک
 سنگ گڑوس نہ تھیسے بلی سکدی روہلتری شیش ہلڑابی چھد نہ فرالوکھ کن بیاسید۔ بلی
 قاعدہ نہ بلی شوقبو۔ دونو یدانی زیرے یو دپی ان۔ دوسے یدانی لقیینگ کھورے یو دپی
 شوقبو مہ یا لوکھسینگ فیوٹگفی نیسی رسی شوقبو ان۔ دی شوقبو بلی سکد لو بس چوکو مینہ
 چھد کھیکھ اسلام ہلڑمہ چھوس دینہ تی رگیا سترید "پاکستان" نہ فہ یل "بلتستان" نہ دریے
 رگا لوکھ نہ تھو لوکھ کن لا اور لزوقی ستروں کوئے ان۔ یا بزویکھ میدپا بلی سکد پو
 خونے کھڈی سہ مین۔

دی لو کھسینگ بلتی سکہ زیری ژھر مہ ژھونوے، بو سترنگ بلبیس، شرگو
 فیو کھو چکتو لایسے سہ شیس یو دکن لالقبہ چینگے جواید، دی شوقبوی روہتری بلتی سکہی
 دی شوق جھق بیا یو لا فور چوکی فڑالوکھ یوس۔ سو سوے فڑو فڑونگ لہ بلتی سکہ زیر چوکی
 سنیوخ یوس، میولی اے سکہ کن نایمبو بلتی سکہ سہ زیر چوک، ربی چوک۔ دومید نہ اونگی
 توں کونینگ بلتی سکہ یو رنگھہ خوں کھڈی غدیانگو جھوگوا یود۔


دی شوقبوی بلتی سکہنگ شیس ہڑابی نیسی رسی شوقبوی ان، دی شوقبوینگ
 جھد کھیکھ فب لین سہ منگو دوکپہ یود۔ دی لو کھسینگ نی فربوب کن لاہر تخنگے تی رن
 تھوس کسل کن نی شیدیا تھون چوکھنہ اونگی وخ کینگ ندانی یوپہ رگیل بیا سہ شوقبوی
 فیونگی فڑالوکھ بیک۔ تی شزدے۔

بلتستان دائرہ مصنفین

سکر دو

حمد - ہلڑخمہ اشی ستودکھ

شیخ غلام حسین سحر



ژھوسی سترو قہونی نلا ژھوامہ یوس
لے زدے مید اشی نہ نا درا مہ یوس
نلا یانگ سکیورے سولا زگوا مہ یوس
لے زدے مید اشی نہ نا درا مہ یوس

سکری سکرچھدی تھونہ تھکھ پولا
جی زیروک نیاسی می ریکھ پولا
سکلی پوپا منگفو لا ریا مہ یوس
لے زدے مید اشی نہ نا درا مہ یوس

سہ لا جھدپا نہ سنا چکیہ سونگ
سترو غمی دی پڑیکو لزا بجکیہ سونگ
خمی خم فورو سہ لا ہرکیا مہ یوس
لے زدے مید اشی نہ نا درا مہ یوس

موتیکی بڑیفو نلا رگوسپہ مید
خسیری ژیلبو سہ نلا کھوسپہ مید
یری خس پونہ بڑالے شیا مہ یوس
لے زدے مید اشی نہ نا درا مہ یوس

یری شزوے لا ریے یوہنا
 یری نخس یوحی شیے یوہنا
 زیوسی نسوگ یوئی نلا زبا مہ یوس
 لے زدے مید اشی نہ نا درا مہ یوس

یری رکیازکولا فچوے نوا فری
 زگورو گوپے دونو زگوا فری
 ستروخی بڑوک لا زیر کوچی آ مہ یوس
 لے زدے مید اشی نہ نا درا مہ یوس


کھش کھش نہ لونگ

موتی	موتیک		خیال رکھنا	ژھوا
مڑیا	بڑیفو		بے مثال	زدے مید
بنجرہ	ژیلبو		تول کلہ سمانہ	سکرچھد
محبت	نخس		ناپ تول / مقدار	تھونہ تھکھ
شرمندگی	نسوگ		انسانیت	می ریکھ
کمر میں خم	زگورو		خواہش کرنا / توقع کرنا	ریا
اڑدھا	بڑوک		طشتری	پڑیکو

تریسہ

۱۔ شیخ سحر مینہ حمد ریسی بلتی سکدی میگ۔ یونگ شاعر غے مینگو زیری۔

۲۔ یا حمد یو بی چوکی شعر یوے فشد یو فیس۔



ہلرخمہ رسولِ ستودکھ

گو یکھی تھود




محمد ہلرخمہ رگیا لفو لدن فوچکوتی گو یکھی تھود پو ان
 خدائی ریکا زگو لا ریک چن چوغینگ نہ سا گو چھود پو ان
 محمد نا علی ان ہلرخمہ دچوے نوریکھ چھد فو
 خدا کھوانگ ہلتھی فیا عالم لا تنگنی نوری عود پو ان
 برانی سنود لا ہلتھی چھوڈ تھکسی شزدیو خدائینگ نا
 رسولی خلق پو لولاک شزدیو چھوڈ پی سنود پو ان
 شکر کھوانگ شزدے چن لا رحمتہ اللعالمین رگیا لفو
 نیا ژوخ میولیکھ بیٹی کھوری شزدیو نہ ترود پو ان
 محمد نا علی ترود مید پی سنگ پوے لوکھو محشر لا
 خدائی شزدے نہ رحمت چوغینگ سنگ غدیا نگ پو چھود پو ان
 محمد نا علی ستود کھونگ تھنا تھوچس جی مین سو لا
 کھونی ستود کھونگ قرآینگ نو خدائی ہلچیکھ ستود پو ان
 مہ ین فینہ می منی ان سورہ چک سوا زیرہ چوق دسے
 کلام اللہ کھوے پیغمبریکھ چھپ جی یود پو ان
 خدائی خچہ ریک چن انی ہر مخو یا دینا دیگ سا
 نبی نا آلی ینگ تھوک پیچی دوک کھن کن لا فرد پو ان
 محمد نا علی غدینگ مینگ محبت توکھ مید بیاسے دوکنہ
 کھوانگ نا بیوربو غدینگ کھور کھن جی ژھیر چوکپوی فود پو ان

قرآن مجید

محمد یوسف حسین آبادی

خداوندِ عالمِ فیکو سی انسان کُن دی سہ تھو چہ کھ تھنی شول لہ دی خون لوکھ پو
چہ یاسے رگل چوگہ زیرے مہ رگشہ نظام جی سہ شزدے بیاسید۔ کھوری فلن کُن انسان کن
لہ تھون چوگہ لہ پیغمبر کُن تنگسید۔ دینہ پیغمبر کُن دیکھ فرشتونگ نہ دریسے کھوری فلن کن
کے تنگنی ان۔ انسان کن لہ هنی لم پو ہلنمہ



لہ خدا سی لاکھ چیک نہ
تھلے پیغمبر کُن دی
ان۔ دونگ نہ منگفولے
ان دیبہ نہ بقیگی کھ
ستونگ نشو ہرژنگی پہ
دنیا ننگ
یکھ وحی ژا کھ تنگنی
شوقو فبھی ان۔ دی

شوقو نینگ نہ لیگی نوئے یو دیو زبور نہ تورات نہ انجیل نہ قرآن ان۔ زبور پو حضرت داؤد
کھ، تورات پو حضرت موسیٰ، انجیل پو حضرت عیسیٰ، یکھ فبھی ان۔ دیبہ نہ قرآن پو
تی ہلزمہ پیغمبر فیا پوے کھ فبھی ان۔ قرآن پو خدا سی انسان کنی فری فبھی چوچہ یوگی
شوقو ان۔ قرآن پو عربی سکیتنگ فبھی ان چا زربہ عربی پیغمبر فیا پوے نہ سکت انہ۔

قرآن پو پیغمبر فیا پو ملک شخشی توس پینگ بھہ ریاضی ان۔ دیبہ نہ کھوے فیا پو
مدیننگ شخشی لڑینگ سہ بفسین دوگنی ان۔ دی بزوے کھ لو نشو ہر ژاق خوم لہ قرآن

بَو جھمفنی سوفنی ان۔ قرآینک نو سورۃ بکیہ نہ چُونجی یو دوونگ نہ سورۃ نشونجی نہ بدون یو لہ
مکی سورۃ زرید، چازیہ نہ دوونگ پیغمبر ﷺ فیا قہو مکینگ شخصئی توس پینگ بنئی ان۔ اوئہ
اے سورۃ نشو ہر ژا بدون یو لہ مدنی سورۃ زرید۔ چازیہ نہ دوونگ کھوے فیا قہو مدینگ
شخصئی توس پینگ بنئی ان۔

انسان سی کھوری خون لوکھ یو چہ یاسے رگل چوکہ زریو قرآینک نو خدا سی
فلسفہ یاسے کسل یونگسے یو دپی ان۔ دی شوقو سنینگ شودین جی زریا فری یبہ نہ دینگ نو
یو دپی خدائی کسل کنیکھ عمل یافری خدا سی انسان فیوخلہ فبنئی ان۔

قرآن سورونگ نہ آونی ژھر یو پیغمبر فیقہو کھوانی سی یاسنی ان۔ یا ترتیب پے کھ
اصحاب کنی سی کھ یدلہ لتو سہ یاسنی ان۔ دلو نہ یا ترتیب پے کھ وحی ربی کھن لہ ربی
سہ چوکئی ان۔ یو بی فری قرآن یو دیرینگ تھونی من خدا سی فبنئی یا تر نہ یو دپی ان۔
کھش کھش نہ لونگ

سہ تھوق	دنیا	ژھر	ترتیب
خون لوکھ	زندگی	کھ یو دلہ	زبانی یاد
فلن	پیغام	نہ سکت	آبا واجداد کی زبان

تریسہ

- ۱۔ خمینکنہ بنئی مینگ یونگ شوقو ژام یو د؟ ۲۔ چوکہ جیوگی شوقو کو ان دوانہ سو یکھ بنفس؟
- ۳۔ قرآنی سورہ ژام یو د؟ ۴۔ قرآن خدا سی چا بیسے تگنی ان؟
- ۱۔ قرآن لاہلتا سے سورہ خوم کھ یو دلہ لتو یوس۔ ***زیا نکمہ***

قائد اعظم محمد علی جناحؒ

راجہ محمد علی شاہ صبا

لے نئی قائد خدا سی ڀانگ کله اسلام له
 تھوب ٻلتہ کھن سترنگ کھن نئی قسمت تھله اسلام له
 ٻلوخمہ دخوسی کھوری رن ٻوٽی جھوس ٻوله رگا سے
 مینس مسلمان کن له ڀانگ لم ٻلنمہ له قائد بیاسے
 ہندو نہ انگریز ٻوٽی بیسہ له می شیس ٻوله
 ستودپہ بھوق می رگونگلہ سہ قائد یری لس شیس ٻوله
 کنگمہ لقی ان میدن سا ڀانی سی عالم له رگتس
 تھونگینا یاری توکل ٻو خدائی رگیزگو تھتس
 ہرکیانگ خدائی شزدے نہ رحمت ٻو بے غدینگو کھورے
 ڀانی چک فرس ٻنچہ پاکستانی سمگردو زونس اُورے
 لے نئی قائد اتا ان ڀانگ نئی یول گنگ ٻو بے
 ڀانگ مہ تھونارے توڑے اپنا نیا میول گنگ ٻو بے
 یل گانی شربہ سا چونگ له بیاسا روخ ٻلوخمہ خدا س
 رگونگنو جھق ہرکنگ یو دپی نمزوبیک دیے ٻلتہ سترنگ نیاس
 عالم اسلامی سڀی ننچو پاکستان ان
 قائد اعظم یری لق ہر ننچو پاکستان ان

*** کھٹش کھٹش فہ لونگ ***

ہلتہ کھن	دیکھ بھال کرنے والا	رکتس	مقابلہ کیا
سترونک کھن	محافظ	چک فرس	تہا کو شش کرنا
رن	قیمت	سمگردو	بنیاد
می شیس پا	نظروں میں نہ لانا	اُورے	دھوم دھام سے
خ	قسمت	لق ہر تخ	نشانی

*** تریسہ ***

- ۱۔ غے ریشی شعر پو بی فشد پو فیس۔
- ۲۔ دی کلام پو سوسی ریشی ان؟
- ۳۔ بدونی ریشی شعر پونگ شاعر سی جی زیر سید؟

*** زیانگمہ ***

- ۱۔ قائد اعظم فیا قہوے فوٹو چک لچیکہ "فجوسے کھیونگ۔
- ۲۔ دی نظم پو کھہ ید لالتو یوس۔

خلونگ نہ جھو

پروفیسر شمت علی کمال الہامی

ہلوحہ اشی سی، ندانگ لہ ہرڑی ہرڑی میدپی بیاسے یو دپی شزدیو نینگنہ جھو غو شزدے نس،
خلونگ نہ جھو ان۔

خلونگ

گاستروق جھق جی دی میولینگ خونے کھٹ پافری خلونی لیکسی رگوسہ یو دپی ان۔ خلونگ
میدپہ، گاستروق شیخ جی، خونے کھٹ پامید۔ ستروق شیخ گنگمہ ہش لینمو نہ فیونگمو۔ یکھہ خونے یو۔
انسان کن نہ یالوہونگ کنی فری، ہش لینمو لہ آکسجن رگوسید۔ آکسجن لینفی برکت لہ سنیشی ترانگ
جیونگی رولا نہ مہ بڑنگفی جھق یو خلونگ تھونے نہ، بڑنگے مرفو گوید۔ دیامرفو جھق یو سنیشی خون رولا
سونگے رگوگانی ہرڑا ہرڑی ہرڑا درولے رگولا ان لزوغید۔ انسان لینفی آکسجن رگوگانیگ کولہ سونگفی
جوکتو کاربن ڈائی آکسائیڈ سونگے فیونگمی ہش یو نہ یمبو فیورول۔ یونگے گوید۔

خون لو کھسی فری انسان نہ اے ستروق شیخ گنگمہ لہ آکسجن رگوسید۔ سٹو ہرڑونگنہ میندوق
کن نہ ستق جیونگلہ کاربن ڈائی آکسائیڈ رگوسہ یو دپی ان۔ ہلوحہ اشی گرل گرب یولا ہلتوسی! ستروق شیخ
کنی کولفی خلونگ یو ستق جیونگنہ سٹو ہرڑونگنہ میندوق کن لہ فئمہ یاسید۔ ستق جیونگنہ سٹو ہرڑونی کولفی
خلونگو، انسان نہ اے ستروق شیخ گنگمہ لہ فئمہ یاسید۔ دیو بے فری تی یل نہ سہ کھیدنہ گڑونگنہ
ڑھرکونینگ ندانگلہ ہنفرے میندوق، سٹو ہرڑی نہ ستقی گنگمہ رگوسی ان۔ دی تھکھہ یو رگوسہ یو نہ
ہلوحہ اشی سی، خلونگ جی تھو لدن چوکسید۔ تی کنڈر چک کھورلہ خلونگ یو۔ ستوہمہ یو دپی ملہ

کنکمیٹنگ خلونگ یوہن۔ خلونگ، جھو نہ سے نیجیونگ یوہن۔ دوسے فری، رکیامڑھونگ نہ رھونگ نہ
 جھومک کن سے سوئی نیجیونگ سے فزوسنہ فزوسنی ستروق جھق کن خونے کھڈے یو۔
 خلونینگ نوکیسی فزوسنہ کھیگ یو۔ دوئی منیج کن ان: آکسجن، کاربن آکسائیڈ، نائٹروجن کیس،
 دیونگ مینمہ، خلونینگ جھوی خلانگ سپونگ تھلوم کن سے دوگید۔ میولی سے تھوق پویکھ تی کنڈرچک
 کھورلا، خلونگ یوہی دی ملسولہ خلونگ کھور یعنی کرہ ہوائی زیرید۔

جھو

خلونگہ ژوخ جھوسہ دی میولینگ خونے یو دھن چکتوی، اشن رگوسہ ان۔ جھو کھوانگہ،
 خون لوکھ زیرید۔ خونے یو دیونگ چکتو، خونے کھٹ پا فری سے، جھو رگوسید۔ گاجیانگ گنگمہ،
 جھوسے ہلومہ نہ ہلونگ دق یا فری جھو رگوسید۔ نگ کن فچوا فری جھو رگوسید۔ ستیجیونگہ، میندوق نہ
 سنوہرڈونگ سکے چوکو نہ ژھر چوکولہ سے جھو رگوسید۔ تم پو کھوٹ، جھو یو دے میدپہ، دی میول یو،
 دی یل یو، شہر گزونگہ نگ کن آباد کھٹ پی خیمے کھوانگہ یا۔ نمہ مید۔ اسلام سی ہلومہ نہ ہلونگ دق
 یا سے دوکولہ ایمان فید زیرید۔ جھو یو دے میدپہ ہلومہ کھڈپہ مید۔

جھوی رگوسید دی تھکھ یو یوہن ہلومہ لدن چوک کھنی سی، دی میولینگ، یو خوم یو جھو
 لدن چوکسید، یو چکھو سے تھق یقسید۔ جھوی لوکھ خوم یو: (۱) مانع یعنی جھو جھو، درولہ تنمی، (۲)
 کیس یعنی خلانگسہ، (۳) ٹھوس یعنی ریانگسے یوہی لوکھ یو۔

(۱) مانع (جھو جھو درولہ تنمی): جھو ہرتے تھو نمو ملسو نیلکھنہ بھمو ملسوئی رول لہ درولید۔

جھولہ درولہ۔ نفا فری مانع یعنی جھو جھو زیرید۔

(۲) کیس (خلانگسہ): خشرنہ چیانگ کن سکمفہ نہ جی نہ ژوخ زیرسنہ جھو پی خشرنہ کوخس

نہ سنو کن نہ اے چیانگ کن۔ ہئے جھو کھوانگ مے نہ نیمیکھ سکولینہ خلانگسہ۔ یونید۔ دی خلانگسولہ
 کیس زیرید۔ دیا خلانگسپونگ (کیس کن) خلونینگ گزیمید۔

(۳) ٹھوس (ریانگے یو دبی لوکھ) : جھو لیکي گزخمو گوا چک ریانگے نہ کھانہ گانگ کوید۔

ریانگفی دی لو کھولا "ٹھوس" زرید۔

تون پو سے غدو نیکھ، جھو یو دبی سیکھ خون لوکھ یو د۔ جھو نیدی سیکھ خون لوکھسی خیمے

کھوانگ سہ یانمہ مید۔

گا ستروق جھق جی نہ، ستیونگ نہ میندوق کن نہ، سنو ہرژونگنہ، ہلوحمہ نہ ہلوانگدق بے
چیانگ کن لہ جھوی مانع یعنی جھو جھوی لو کھو بی رگو سپہ یو دین۔ گا یو چس کن گنگمہ، مانع (جھو جھو)
جھونگ یوے ان۔ ندانگ انسان کنی رگو لید پوے بگینگنہ نشو خوم نہ فجوی تھکھ پو جھو یو دین۔ دیہنہ
تی جھنغینگ بگینگنہ نشونجی نہ فجوی تھکھ پو جھو رگمے یو دین۔ جھوی یا رگو سمک پو نہ زومے، دے
لدن چوک کھن اشی پاسی، میول سہ تھو عیکھ پو خوم پو، جھو لدن چوکفی ان۔ دونیکھ ہرژقے جھو،
نمی ترودیکھ خلانگسہ سونگے خنم کھور لدن چوکے ملہ ملہا جھرفہ تنگمی گزل گزب کن سہ یاسید۔

*** کھش کھش نہ لونگ ***

ہرژری ہرژری	:	حساب کتاب	جھون لہ	:	مفت
ستروق جھق	:	جاندار	ستوحمہ	:	غالی
رگو سپہ	:	ضرورت	خون لوکھ	:	زندگی
مہ بنگفی	:	ناصاف	تم پو کھوٹ	:	مختصر کلام
ہرژا ہرژری ہرژا	:	رگ رگ میں	تھکھ	:	حد
فیروں	:	باہر	رگو سمک	:	ضرورت
سنو ہرژونگ	:	سبزے	گزل گزب	:	انتظام

تريسه

- ۱۔ ہلوحہ اشی سی ندانگ لہ شزدے بیاپی گنگمہ پاچھو غو شزدے ٹیسکو گو گو ان؟
- ۲۔ ستروق چھق گنگمہ چیکھ خسو نے یو؟
- ۳۔ سٹو ہرٹو نگہ ستق چو نگلہ فنی خلونگ یو گو ان؟
- ۴۔ خلونینگ جی جی گڑیسے دو کید؟
- ۵۔ چھوی لو کھ ژام یو، دوئی مینج کن ہر ژس؟

امانداری

شیخ محمد جواد حنفی

امانت لفظ یو عربی سکدی اَمَن زیری لفظ پے شیدیا نہ اِن۔ دے بی معنی یو سترونک لوکھ اِن، امانت گا چیز چہ یا تم چہ خستگ زبانی خیرے سترونکے یا قسے کھوری اشیو له لزوقسے مَن مویا سترونکے یا قبولہ زریید۔ امانتی لو قہر یو له خیانت "لزوج" زریید۔

ینگ چہ گی حق جی یا چیانگ جی له لزوق مہ یا سترونک لوکھ یو له امانت داری زریید۔ امانت سترونک لوکھ یا کھن یو له امین زریید۔ دینہ حق پا سونگنی یا کوپی یا تھونگنی چیانگ یو نا خیرولا امانت زریید۔

جھوسینگ امانت داری ژھہ ژھی لوکھو:-

امانداری ژھہ ژھی لوکھسینگ ہلوحہ قرآن نانتی ہلوحہ خوجوئی کسل مانگمو یو د۔ یونینگ نا پتجیکی ہرمنگ بید۔

الف:- ہلوحہ قرآینگ امانت کن کھوری اشیونگ نا یورمونگلہ تھون چوک زیرے ندانگ له سکسید۔ (إِنَّ اللَّهَ يَأْمُرُكُمْ أَنْ تُؤَدُّوا الْأَمَانَاتِ إِلَىٰ أَهْلِهَا) ترجمہ: "جھد کھی کھا خدا سی امانت کن یورمو یو د کھن کن نہ کھتی اشیونگ له حق اِن کھن کن لا تھون چوک زیرے سکسید۔" (سورہ

النساء آیت ۵۸)

ب:- یقے یو دپی یا کو سے یو دپی امانت کن کھتی اشیونگ له تھون چو کو بزنکمه مونی ہر تھنہ ہر ژیسے یو د- (۔۔۔۔۔) وَالَّذِينَ هُمْ لِأَمَانَاتِهِمْ وَعَهْدِهِمْ رَاعُونَ ترجمہ: "(مونی ہر تھنہ مانگو یو د وینگ نا) مونی امانت کن نا یا پاسی جھد جھامد ونگ گانگی ستر ونگ لوکھ یا یو د ونا ان۔"

ج:- ہلوحمه ینغمبری کسل یونگسے یو د: (الْأَمَانَةُ تَجْلِبُ الْغِنَاءَ وَالْخِيَانَةُ تَجْلِبُ الْفَقْرَ) ترجمہ: "امانداری سی فیو کو گو چوکید، لزوق یا کھن کن شر کو کوید۔" ہلوحمه ینغمبری ینگ کسل چہ سہ یو د: (لَا إِيمَانَ لِمَنْ لَا أَمَانَةَ لَهُ) ترجمہ: گاسو اماندار میدنا کھولہ ایمان سہ میدپی ان۔"

د:- حضرت علی علیہ السلام فقیہوے سہ کسل یو د: (أَفْضَلُ الْإِيمَانِ الْأَمَانَةُ أَقْبَحُ الْأَخْلَاقِ الْخِيَانَةُ) ترجمہ: "ایمان رکیالہ لوکھ یو امانداری ان۔ خیانت یو چوقہ ژے می لوکھ میدپا ان۔" دی ہلوحمه کسل کن گانگی کھا ہر ژیسے امانداری دی یور مو صفت یو خدائی ہلوحمه ینغمبر کن گانگمه نا اولیاء کنی فیسہ صفت ان زیرے اونگمه سونگید۔ دے چہ تہی ہلوحمه ینغمبری فیاقولہ بعثت بتوتی فرن یو فردد چو کو پا دونو قریش پی گو یونگ نامرکہ کھن کن نادشمن کنی جوتگنہ محمد صلی اللہ علیہ وآلہ وسلم امین زیرے دی یور مو صفت یو تھوبہ سونگ فی ان۔ یو ژونخو ہلوحمه قرآنی آیات مانگو ونگ کھوری فیاقولہ چوقہ جھونگو اماندار زیرے کسل یونگسے یو د۔

• اماندار کوے فنکھونگ

گاسوسہ امانداری دی یور مو صفت یو اشی بیاسنہ کھوے فری، دنیا نا عقبائی، دینہ کھوری ذات یو نا کھوے کھور کھاری فری منگو فن کھونگ یقے یو د۔ یونینگ نا بچہ ندائی یا تم ژھیر ینگنود انگ له فردد چو گیت۔

(۱) خدائی شیردنگ، زہ چس، تھونگ چس، گون چس زیرے گا رگوپی رگوس چس کن سکت پا
 گوید۔ (۲) لدنی فیسپونگ لہ بخشش گوید۔ (۳) خدائی ہلوحہ ذات یونا میولی میونگ ناوریسے بیاسی
 جھد جھن دونگ فی سترونگ لوکھ بے ہرنوخ گوید۔ (۴) میولی ہرنگ خس ترود نا جھیس لوکھو
 سکدید۔ (۵) خیانت یا کھن کن گانگی رن نا ہرژس جھامید۔

امانداری لہ فروسنے کھیک یو، یونینگنومال امانت داری، ناموس امانداری، عزت امانداری
 دونگ ژوخ کن یو وپی ان۔

*** کھش کھش فہ لونگ ***

خسانگ زبس	نخہ باتیں	فیپہ	زالا
جھد جھن دو	عمد و ہمان	ہرنوخ	عادت
فیو کھو	امیر	شرگو	غریب
می لوکھ	اخلاق	خولفو/لوق	خیانت
منخ	حقیقت		

*** ترسہ ***

- ۱۔ امانداری لو کھسینگ ہلوحہ قرآنی آت چیک نا حدث چیک بلتی سکدی کھاریسے کھیونگ۔
- ۲۔ امانداری فنکھے خوم کو کو ان نارے ربیس۔
- ۳۔ اماندار کوئے لس بزورام یو۔

بلی تم لو

غلام حسن حسنی

بلی سکت لیگی ژمؤ، ژومبو دینہ ادب نہ کنگے یو دپی سکت جی ان۔ بلی سکنگ شاعری،
 زڈرونک دینہ۔ فرومہ چک خیرونگ مینہ تم لو نہ منگو یو۔ دی تم لونگ بلی یولی۔ موتوے میولی
 رگو یکھ رگھنی نہ برولفی روہلتری زیرے یو دپی ان۔ یولی فری دی موتوے تم لونگ شینگ، لوزو،
 ہرکنگ نہ کنگے یو۔ سوچیکی دی تم لونگ۔ یو یاسے دوتی ہرکنگ یو نوزن۔ یاسے خون لوکھ۔ یاسنہ،
 گارسہ زڈوکھر جی نہ گڑہ می یو نگمی ان۔ بلی تم لو بچہ دیکھا برید، دوتی ہرکنگ یو یدائی نوزن۔ یوس:

- ۱۔ اتی رو سکورے شول توب :- (شول تی ژھہ ژھی لو کھسینگ زیرے یو دپی خیرے ان)
- ۲۔ روا ژلے سونگنی کھہ ژھیونہ برل :- (سنی ٹن سکیدے مہ۔ یوس زیری لو کھسینگ ان)۔
- ۳۔ رین چک ڈوکپہ مہ شیس نہ رین بکیہ لونگس :- (گا سو چک لہ سو سونے تھکسی کھہ دوک لنگ
 یوس زیری خیرے ان)۔

۴۔ رگوم نہ یارنہ بھے، توانہ یارنہ سکی نوق :- (لیاخمومی نہ یمبو دوکھنہ لیاخمو، چکمین می نہ
 یمبو دوکھنہ چکمین گوید)۔

۵۔ خیر بریانگ کھورے کھڑل یو پہ ژے ژے بریانگ کھورے دوم :- (سنگسہ مہ ستود زیری
 لو کھسینگ زیری ان)۔

۶۔ گڑق کھن مہ تھونہ یو کھمونہ گڑوق :- (کا تم لس جی تمپو گڑخوبیاسے۔ یوس زیرید)۔

۷۔ شمول ٹھومید نہ خیر مید :- (زفہ نیرے بیاسے مید نہ گانور لیاخ جی نہ لتو اونگمی میں)۔

۸۔ رگی ژھون پہ تم ژھون ہلچو :- (رگی ژھون یو دودپی ان، تم ژھون دوتی میں، لہ تو کھڈپی ان)۔

۹۔ دیرنگ تب فو ہسکے زڈوس :- (سوچیکی لیاخموبیاسنہ لیاخمو، چکمین بیاسنہ چکمین یو لوچی ان)۔

۱۰۔ تھو کپہ یَر تَنگمہ نہ سو سوے برا ٹیکھ :- (سو سوے رگا کھن سٹین کیکھ تم تھیب جی اوگ چو کپہ سو سو ہر ژسید گوے ان)۔

***کھش کھش فہ لوگ ***

شور	شیریں	شور	شیریں
عقل ودانائی	گمرا	لوڑو	خومبو
پُر مغز	ضرب المثل	ہر رنگ چن	تم لو
نقصان	قدیم گزرے ہوئے زمانے	زدو کھر	موتوے
لاش	سہا ہوا	رو	برو لفی
سُم	فصل خریف	ژھیو	محول
کھو گیا	پسینہ	ہل	خمول چھو
لکڑی کا بڑا صندوق	زخم	رگوم	ژھون
ٹوپہ بھر	سمیٹو	بریانگ	زدوس
کنگنی	سینے پر	ٹے ٹے	برا ٹیکھ

تریسہ

۱۔ "رن چک دو کپہ مہ شیس نہ رن بگیہ لونگس" دی تم لو بی فشد پو فیس۔

۲۔ خمول چھو مید نہ خیر مید زیر بی ہر کنگو جی ان۔

زیا نگمہ

۱۔ ینگ تم لو غا رینے کھو نگ۔

۲۔ بلتی تم لو نگ گا کا شو قبو ینگ اوگے یو دزیرو ہر تھخہ یو س۔

علامہ محمد اقبالؒ

محمد حسن حسرت

حضرت علامہ محمد اقبالؒ نئی قومی شاعرِ ان۔ کھوے فیاقپو ۱۸۷۷ عیسوی نومبری رگولہ سیالکوٹ زیرِ بی شہر پونگ سکپسی ان۔ علامہ اقبالؒ سی چوقہ دونو سیالکوٹی سکولینگنو سبق زیرِ بی ریاحس جھوسی سبق سہ زیرِ بی۔

فیاقپو سبق لہ لاہور
علم و ادب نہ فیہ
یودپا۔ دے توسپونگ
چوقہ تھوسے یودپی
میر حسن فیاقپو انسوک۔
کھوے فیاقپوے دونو
حسن فیاقپو سی ہلوفی



دوانہ مسجدی درسگا پینگنو
میرک بیاسی لڑنگ اقبال
شخص۔ ژوخمد اش سی یانگلہ
رگالوکھ جی شزدے بیاسے
آسنہ شرقیہ زیرِ بی مدرسو بی
استاد پو خمس العلماء مولوی
علامہ اقبال علم ہلوا بہ لہ
کڑونجی چھس۔ مولوی میر

سبق پو بی، بڑنگمہ خیرنہ ژوخ یودپی علامہ اقبالؒ بجوپی خیرگو چوکس۔ دوانہ طالب علمی دخلہ نہ
کھوانگ، کھوے فیاقپو سی شاعری بیازیاخس۔ کلام کن سترانگمہ فری اقبال سی داغ دہلوی استاد
بیاسے غد مس۔ کھوے فیاقپو لہ علامہ اقبالؒ سی کھوری کلام کن ڈاک روہلتری کلیدپا۔ حضرت علامہ
اقبالؒ فیاقپوے کلام کونینگ اصلاح بے منگے رگوپہ میدپا، دوی فری داغ دہلوی لہ کھوری کلام کن
کھی لہو سکیدے نمزہ مہ کھڈس۔ دوانہ یانگلہ نگ استاد چیکسی سہ رگوپہ ماسونگس۔

علامہ اقبالؒ سی ۱۸۹۷ عیسوی بنگلو بی اے۔ یا فری لاہوری گورنمنٹ کالجنگ داخلہ لیس۔ فلسفہ
یری فیاقہوے فیسہ مضمون اپنا۔ یری فیاقہوے سینگ کھیرپو تھونگے کالجی فلسفی مینگ۔ یونگ پروفیسر
آرنلڈ زیر کھن پو بی یانگلہ فیسہ۔ یا سے سناہ یقس، دوانہ یری تعلیمی لو کھسینگ اشین فزالو کھ۔ یا س۔
۱۸۹۹ عیسوی بنگلو علامہ اقبالؒ سی فلسفی مضمون پونگ ایم اے۔ یا س۔ دوانہ نمزے جھونچی یا کالج پو
کھورنگ فلسفی پروفیسر یا سے دوکس۔ ۱۹۰۹ عیسوی بنگلو "مزن" رسالہ بنگلو "کوہ ہمالیہ سے خطاب"
زیر بی یری نظم پو شائع کوانہ رگیا ستریدی شربہ یری فیاقہوے شاعری نہ نیا مچن سونگس زیرید۔ دو بی
لزنک یری فیاقہوے کلام کن یا رسالو بنگلو ہرتے چھاپ گوین دوانہ میوئی اشین پسند بین دوکس۔
چوقہ دونو یانی سی "نالہ ستیم" فیسہ زدوک چن زیر برویکھ زیرس، دوانہ دی نظم پو یل گوا یل جوک
لہ کھیدس۔ میکھنہ کھوے فیاقہوے منیچ ٹونمہ سونگس۔

علامہ اقبالؒ ۱۹۰۵ عیسویکھنہ ۱۹۰۹ عیسوی تھونی من ولایت شخس۔ دیکھنہ یری فیاقہوے
شاعری نیسی ریی توسپو ریانہ سونگس۔ علامہ اقبالؒ اُردو نہ فارسی سکت نیسکونگ شاعری۔ یا سید۔
کھوے فیاقہوے نو نے یو دی شوقونگ "بانگ درا"، "بال جبریل"، "پیام مشرق"، "زبور عجم"، "ضرب
کلم"، "جاوید نامہ" نہ "ارمغانِ حجاز" دونگ ان۔ یری فیاقہوے جرمنی میونخ یو نورسٹینگ نہ پی ایچ ڈی
ذکری حاصل۔ یا س۔

علامہ اقبالؒ نئی رگیا ستریدی چوقہ جھو غو شاعر ان۔ کھوے فیاقہوے شاعریو ملکی شاعری
ان۔ دوانہ کھوے فیاقہوے شاعریو مسلمان کن لہ نید ژھد چوکی سترول سونگس۔ فیسہ نہ بر صغیری
مسلمان کن، ژون جھوسی غدوس جینگمہ جوکے لگی ہر ژیس مید نہ رین مید سونگے خون لو کھو رگل
چو کین یو دپا۔ کھوے فیاقہوے نید ژھد چوکس۔ پاکستان علامہ اقبالؒ فیاقہوے نیلمی فشپہ ان۔
حضرت علامہ اقبالؒ سی خسمیدپا، بر صغیری مسلمان کن لہ آزادی تھو بے رنگھ رگیا ستریدی جی لدن نا

انپا زیرے۔ دی خسمبولہ ہمبہ مینے دوانہ دی ٹیلی فونڈیہ فے کھن پو حضرت قائد اعظم محمد علی جناحؒ سوئگس۔ تون پو علامہ اقبالؒ لہ مصویر پاکستان زیرید۔

علامہ اقبالؒ فیا قہو ۲۱ اپریل ۱۹۳۸ عیسو۔نگنو لاہور رنگ گیورس دوانہ کھوے مقبرہ لاہوری یادشاہی مسجد نہ ٹھوکے یو دپی حضوری باغینگ یو۔

کھٹش کھٹش فہ لوگ

کڑونگی چھپہ	زانوئے تلمذ تہہ کرنا	رگیا سترید	ملک
بزنگمہ خیر	خالص سونا	سترول	ذریعہ
بجو سی خیر	کندن	ژون جھوسی غدوس	طوق غلامی
سترا نگمہ	اصلاح کرنے کیلئے	خون لوکھ	زندگی
ٹیا مچن	آشنا/واقف	فشدپہ	تشریح۔ تعبیر
یل گوایل چوک	شہر بھر میں	گیورس	رحلت کر گئے

تریسہ

- ۱۔ علامہ اقبالؒ نام سکلیس؟
- ۲۔ علامہ اقبالؒ فیا قہو سی پی ایچ ڈی ڈگری گارنہ حاصل بیاس؟
- ۳۔ علامہ اقبالؒ فیا قہو گیورنی تاریخ پو جی ان؟
- ۴۔ علامہ اقبالؒ نو نے یو دپی شوقبونی منیج کن زیری۔

بزیا نگمہ

- ۱۔ علامہ اقبالؒ فیا قہوے فوٹو چک لقی کھہ فچوے کھیونگ۔
- ۲۔ علامہ اقبالؒ فیا قہوے قوم نہ ملت نہ نید ژحد چو کی کلام کینگ نہ شعر خوم ریے کھیونگ۔

گلگت بلتستان

محمد قاسم نسیم

گلگت بلتستان جھو غو سہ تھق (رتجن) نیس ان۔ چکھو گلگت دیبنہ اے چکھو بلتستان ان۔ بلتستان ضلع نجی سکرو، گانچھے، شگر، دیبنہ کھرمنگ، دیبنہ گلگت ضلع تروگی کھہ کھیدے یو، دونگ گلگت، دیامر، استور، غدر، ہنزہ دیبنہ نگران۔ گلگت بلتستان لا ۲۰۰۹ وی لونگ نو سیلف گورننس آرڈری رولتری انتظامی صوبی حیثیت تھو بی ان۔ ضلع گاریو وی می ہرڑس پولا ہلتاس نہ گلگت، سکرو، دیامر، غدر، استور، گانچھے، شگر، کھرمنگ، ہنزہ دیبنہ نگر شربی کھہ یو دی ان۔

دوسے یا وځ لا رگیا ستر دنگ نہ ژوځ گلگت بلتستان ینگ سہ می ہرڑس پولا ریاخسے یو۔ اما دوسے تھو نی منی می ہرڑی لو کھسینگ سونگنی ژل ژل کن نہ زومسے دو یا وځ لا گلگت بلتستان کنگسی می ہرڑس پو میندا لاکھ چوکوم یو دی ان۔ ضلع گاریو وی می ہرڑس پولا ہلتاس نہ ضلع گلگت ینگ لاکھ نیس نہ ستونگ چونس نہ رگو بگیہ نہ نیشو نہ چونس، ضلع شگر ینگ ستونگ نشو خوم نہ چوغہ نہ خوم بگیہ نہ نشو خوم نہ غہ، ضلع غدر لاکھ چک نہ ستونگ نشو خوم نہ چوروک نہ ٹی بگیہ نہ چورک، ضلع استور لاکھ چک نہ ستونگ غہ نہ نشو نیس نہ چوغہ، ضلع دیامر لاکھ چک نہ ستونگ نشو نیکی نہ چوکوم نہ خوم بگیہ نہ نشو نیکی، ضلع سکرو لاکھ نیس نہ ستونگ بدون نہ تروک بگیہ نہ چوکوم، ضلع کھرمنگ ستونگ نشو نیس نہ چوغہ نہ نیکی بگیہ نہ نشو نیس، ضلع شگر ستونگ نشو خوم نہ تروک نہ نیکی بگیہ نہ نشو نہ چوروک، ضلع گانچھے لاکھ چک نہ ستونگ نشو نہ چوروک نہ غہ بگیہ نہ نشو نہ خوم یو دی ان۔

تی رگیا ستر دی فری گلگت بلتستانی ژہ ژھی لو کھ پو لے گی نہ ٹونے یو دی ان۔ تی لگی نہ نش چن فیوځ نہ نیموری یول چین نہ تی رگیا ستر دی تھو لو کھسی سترول پو سہ گلگت بلتستان ان۔

ميولي نيسي ريسي تهو نموري گو جھو غوري سه نتي يولينگ نو يود۔ دو۔ يکھ هرڙق ميئر ستونگ بکيت په تهو نمويو دي ميولي ري چونجي ينگ نه جھو غوري تنگس ري غه گلگت بلتستان يود۔ ميولي جھو غونگ روينگنه فل نه رنگ يونگ تھلے يودي کنگ يونگ سه نتي ياد يود۔ ميولينگ نولے يودي دينه ميول کينگ چوپه تهو نمويکھ يودي تهو نولے مله سياچن نه کرگلي محاذ کن سه بلتستان ينگ نو يودي ان۔ رگيا ستر دگني سه کھيت کن نوم چوپي رگيا مڙھوے جھو سه نتي يولينگ نه کولے ان۔ يا بدوستو کنگسي رولتری نتي يک گلگت بلتستان رگيا ستردي فري ڙهه ڙهي لوکھ يولے گی نه فيسپه يودي ان۔

گلگت بلتستان فزومه چک يک کونينگ انا کوپي نمزينگ نه کھوانگ سو سولے چوني سي حکومت بين جي درولين دوک في ان۔ ۱۸۴۰ عيسوي کھ نه يايک کونينگ نو ڏوگره دينه گلگتي کھ لڌنگ انگريز کنی ان نه کھيودي کھ کھوتي حکومت فچوس۔ اما ۱۸۴۲ ع ينگ نو ڏوگره حکومتی خلاف نتي شريه سي گو هلانگسے گوڙگيل ياسه کھونگ بلتستان ينگ نه فيونگسے تنگس۔ نتي برينگنه ڏوگره نه ميمو من مي مي ڙهونگ۔ يونگس۔ دوني روخ نه يري کھ نيسي ريسي کھ ڏوگرونگ لا سوسوے گو ميونگ ياد يانگ هر تمي موقع منس۔ لڌنگ مه منگمو فره لوکھ کن ياسه نه نومبري لڌا گو ۱۹۴۷ ع ينگ نو گلگت ينگ نو ڏوگروني وانگ پو جھم چوکس دينه گورنر گھنسا سنگھ ڙونس۔ گلگت بلتستان اے يک کن سه ڏوگرونگ في شيدا نه کوقسے کھيونگما دينه ڏوگرونگ نتي يک کونينگ نه فيونگسے تنگمه لا ٺٺق ٺٺق تھو گوار بخش۔ يا تھو لوکھور نه فيد درولين کھڙے نه دوسه هي گلگت بلتستان يک نه گرونگ کنگمه ڏوگرونگ في شيدا نه حق قيت ياس۔ حق قيت سونگفي لڌا لانتی گو جھود کنگمه دمس نه نتي يک گلگت بلتستان تھود لوکھس پو پاڪستان نه دريسه يا لافره لوکھ بيس۔ دوسه يا روخ لا گلگت بلتستان کھ نتي وزير اعليٰ، گورنر دينه وزير اعليٰ تي کابينه سي حکومت بين يود۔ ڙهه ڙهه قانون کن فچوا لانتی شريه سي ووني کھ نتي اسمبلي ممبر کن فيونگسے يود۔ دينه وزير اعظم گو ينگ نو نتي کونسل چک سه فچوسه يود۔

گلگت بلتستان ینگ لیگی نارگش کھورسہ دوکونگ یو دپی ان۔ دیونینگ ناٹونے یو دپی کھورسونگ سدپارہ ڈیم، شنگریلا، منٹھو کھا جھو فیاز، شگر فورٹ، الت نہ بلت کھر، نلتر وینہ ہوپر ان۔ پاکستان جھو غو یل کینگ نہ می ژھونگ ژھد و خلا کھوربا اونید، وینہ پاکستان فرول نہ سہ کھور کھن ہلتہ کھن کن گلگت بلتستان یل یلی ہلومخہ اشی پاس فچو پی رگش ہلتہ سونگ لاہلتہ اونگما یو دپی ان۔ تی تھو نمو ریونگ لا تھول بہ لاسانی رہی رکیاسترد کونینگ نامی منگمو لوزیری اونگمی ان۔ تی یل یو لا لدن چوک کھن اشی سی شزودے یاسنی یارگش بدوستو تی رول تری ندانگ لایا یل یو نہ دریسے لے گی نہ رگہ لوکھ یو دپی ان۔

کھش کھش نہ لونگ

ٹھود لوکھس	الحاق	فرہ لوکھ	کوشش
رکیاسترید	مادر وطن	جھو غو بری	کے ٹو
گوژگیل	بغاد	گومبہ	قدم
زق کھنگ	قیدخانہ	تھو	جگ
ٹق ٹق	مشکل	قق قیت	آزاد

تریسہ

- ۱۔ گلگت بلتستان ضلع ڈام یو دینہ ضلعونی منٹخ پو ریس۔
- ۲۔ گلگت بلتستان لا صوبائی اختیار یو گاسہ بینگ تھو بھی ان۔
- ۳۔ گلگت بلتستان می ہرژیس پو ڈام ژے یو دپی ان۔

زیانگمہ

- ۱۔ گلگت بلتستان نقشہ چک فچوس۔

مثالی طالب علم

الحاج محمد علی مہدی

لدن چوک کھن اشی سی ندانگ انسان ستروق چھق کنگمہ پڑے رگیا لبہ یا سے لدن چوکسید۔
 دینہ گاریڑے کھ کھق کن سہ کسید۔ ینگ چک چکوپیکھ حق کن سہ یقسید۔ ینگ ریڑے لہ آداب بچہ
 لہ سترونک لوکھ یا رگوسید۔ تہ ہلڑمہ جھوس
 اسلامی سی سبق زیر کھن کن لہ اشین
 ستودسید۔ شیس ہلڑابونہ سبق زیر بولہ
 اشین ستودکھ یا سونگسید۔ تا گا سبق
 زیر کھن، علم زیر کھن کونینگ یودنہ دولہ زدے
 میدنہ ژوخمید شیس ژل کھن زیرہ نیمنی ان۔



دے صفات کن ہر ژسارے دی تربویکھ بریا نیا نوک:

استادی (سبق ہلڑب کھن کنی) احترام یا کھن :-

سبق ہلڑب کھن استاد، معلم، مدرس کھوری شاگرد کنی محسن ان۔ حدت بچہ نازومے
 استاد اتانا درا ان زیرید۔ بلکہ سکپسی اتوپاڑے رگیا لبہ اتانا ان۔ (خَيْرُ الْأَبَاءِ مَنْ عَلَّمَكَ) کھوری لیاخمو
 شیس ہلڑابی استاد کن لہ احترام یا کھن طالب علم بولہ۔ یورمو چن، ژوخمید نہ زدے مید شاگرد زیرہ
 نیمنی ان۔

شوقبو نه شوق شوق کن له هُو شيار بيا:-

شيس لوبفه له، شيس هلازه له چيگانگ پچيگي رگوسه دوگيد- دنگ هې ان زيرسنه شوق شوق نه قلم، هرڅي نه شوقبو، ينگ اے رگوس چس کن سه يود- لياخمو يورمو سبق زير کهن له کهوری يا چيگانگ کن نه دريسے رگا لوكه دوكه رگوسي ان- ديوگ سترونگے يقه رگوسي ان- سبق رگوس چس کن له نت دق يا کهن کن لياخمو سبق زير کهن کنی شيدانه مين-

سبق زيري و خوينگ سه نافيسے دوكه:-

گالس هې ان ناوله سه نابيا رگوسيد- نت دق نه بلدر بيا کهن له چگ کھوانگ لوبفي مين- سبق زيري و خله سبق هلوب کهن استادو دوسي هې زيريد، هې کسل- يونيد زيريو اشين سه نابي کهن له سبق لوانگ ږے لياخمو اونگمي ان-

ژده ژم چن می دوكه:-

سبق زير کهن ژده ژم چن می دوكه رگوسي ان- سوسے يمو دوك کهن کن له چو کسل زيريو، کھوله رگوسي چيگانگ کن من مه له کھوق ن می يو- کھوله مله تنگمو- اڅا دږا نوربو، رگوسه نورے مله مينمو، ديبه لوانگه دوخ می چوکو، لياخمو سبق زير کهن کنی هر تخنه ان-

سبق هلوب کهن کن له رگوسي تم پو څا تريا:-

لياخمو سبق زير کهن طالب علمي سی رگوسي که ژو څا ترے ان- مه جھودفو هلوب زيرے ځوابے ان- تھوب مه تھوب تريسے سبق هلوب کهن پوله سينگ دوخ کومي چوپکی ان- ينگ مه جھودنی که ژو اسادی اجازت لينے ترے ان-

شوقبو نہ تھق رنگ می گوا:-

سبق زیر کھن لہ نامی سہ کھوری سبق پونہ دریسے رگا لو کھ یقہ رگو پسی ان۔ جھون دوگی
و خوندگ سہ ژہ ژہ سبق کن لہ سکیسکے رے دغ مینہ۔ خلد گل سونگنہ شوقبو مینہ۔ نگ سبق لہ روح
تھوبی لس کن بیا۔ کھوری نم ژہر سبق زیر کھن کن نہ دریسے کڑا کوژونگمہ۔ نگ چک چکبو نہ ترہ
بین سبق کن لتو بے گزل گڑب بیا۔

چنگ مین ہرژو فلونگ نہ تھق رنگ دوکپہ:-

تی سکدنگ زیر بہ میدا، کوات نہ بیا نہ سکیونق، لیاخمو نہ بمبو دوکسنہ لیاخمو گویے ان۔ تا
چنگمین لس نن بیا کھن نہ بمبو دوکسنہ کھوسی بمبو دوک کھن پو فیکسے میدہ پقی مین۔

تم نیاں بیا کھن دوکپہ:-

سبق زیر کھن کن، ینگ ژہر مونگ لہ تمن نیاخن دوکپہ رگو پسی ان۔ تم ین بیا لہ اتا اتو
پاڑے سبق ہلواپی اتو سہ اشین کھق شے ان۔

سینگ دق دوکپہ:-

سبق زیر کھن لہ چوقہڑے ژہ ژہ سوسوے سینگ پو ہلواخمہ یقہو ان۔ سینگ ہلومہ
کھڈاڑے کھولہ سبق لو بنی ان۔ سبق شیس علم لہ نور زرید۔ کھو اوت ان۔ اوت دوکسو نہ بڑانگو
سینگ ان۔ دوی فری دوتو اوت پو لہ سینگ پونگ ملہ فچار کوس۔ تا خدارن نہ تی سینگ پونگ
اونگمی ان۔ کھولہ سینگ پو ہلواخمہ نہ دقے یقہ ژے شیس لو پی ان۔ سبق اونگمی ان۔ تا دی سینگ
پو ہلومگ داق مہ کھڈنہ، چوق چوق سونگنہ کھولہ شیس لو بنی مین۔ علم کھونہ تھق رنگ گویے ان۔

تھیقہ کھن دُکپہ:-

سبق زیر کھن لہ تھیقہ کھن دُکپہ رگوسید۔ گارسہ زرف تھیا قسے میدنہ چنگ کھوانگ لتو
اونگی مین۔ یو ژوخ یو سبق زیر کھن کن لہ سہ تھیا ق لوکھ دُکپہ رگوس۔ سبق ہلڑب کھن یوسہ
تھیا ق لوکھسی اشی دُکپہ رگوسید۔

تون گو ہر ژیا سونگفی۔ یورمولس کن گاسبق زیر کھن کینگ یودنہ یونگ لہ مثالی سبق زیر کھن
زیرہ نینگی ان۔ یونگ مثالی طالب علم ان۔

کھش کھش فہ لونگ

سُروق جھق	ذی روح	ژھ ژھ	ضروری
نت دق	لا پرواہی	خلد گل	تھکاوت
سنہ نا	خیال	نم ژھر	ہم عمر
بلڈر	سُستی	کوات	ہتھر کی ہانڈی
ژھ زم	شرارت	سکینوق	کالک
کھوق ٹن	بد خلق	کھق شے	اہم/پسندیدہ
ہلڑنگ دق	پاک و پاکیزہ	زرفہ	محنت

تربسہ

- ۱۔ مثالی طالب علم صفت نیس کو چوک۔
- ۲۔ تم یان یان۔ بیا لہ چوقہ کھق شے سو ان؟
- ۳۔ سکپسی اتو پاڑے رگیا لہ اتو سو ان؟

انو

محمد افضل روش

ڦي اڻو، ڻڻو، ڻا اوڻڻو له سڳيءَ رڀا دُوکڻو

ريءَ ميد سوکڻو پليڻڻو پيڻڻڻ چا دُوکڻو

تھونگا خسمي ڻا، گيوڇي ڪھڻه گو تھڻ تھوني من

ڦي لميڻڻ بزو ڻمڍيڪھ مک پو ڪلهي ڀڻا دُوکڻو

ڻمزو بولانہ بيا بونگ ڙوڇيا سڻ ڻڻو ڦلڻا

ڀڻڻه تھل تھول پوڪھ سڻڻڻ غڊياڻگ جھورڻا ڪوا دُوکڻو

ڻا پيڻڻڻ پو ڻڻڻي ڪھڻه حق ڀرڙيس پو ڪھورينا دے ته جھي

ڀريسي ڀش رڙي ڀين سين ڀرڙيسي ڪھ ڀرڙيا دُوکڻو

جھڻه ڪڪا ڻورے ڻا ڻامي سه لڙا، رڱهي ريسي

ڙھير ڙاڻيڻڻ ڪڻڪمانہ تھياڻپه پورنہ ڻوا دُوکڻو

ڀلڙجھه رڱياڙگولہ جھي ڀڙڻڻيڻڻ لڇپه زونے نه

ڙھڻ ڦياڻيڻڻ ڻوڀڇه ڦي ڻوڪھيڻڻڻ ڻو دعا بيا دُوکڻو

ڻوڇي تھون ڻارے بولڻڻڻڻڻ ڻو سو پيڻڻڻڻڻ سونگے

ڦي ميڪي اوت پو مه پونگه زيرے رڱ، ڙيا دُوکڻو

اڻو نه تھوڪپه بولڻڻڻڻڻ ڪھياڻگ مه مي گو چا لے روش

ڪھياري ڀڙڻڻ ڪھوڻڻه ڪھيرے سڻڻڻڻڻ جھي ميدوڪ رڊوا دُوکڻو

*** کھٹش کھٹش فہ لونگ ***

ریا	آرزو کرنا، خواہش کرنا	تھیاقہ بودہ	برداشت سے باہر
سپلنگ	پیشانی پر، قسمت میں	بڑنگے	التجا کر کے، دعا کر کے
بیسینگ	مسافت میں	میگی اوت پو	آنکھوں کی روشنی / نور چشم
کیونچہ	صبح	بڑنگ کھوق	سینے میں
گون تھق	شام	بزودمید	کرب / بے چینی / اضطراب
نمزو بولبا	دن ڈھلنا	بنگنہ تھل تھل	سر شام
جھنہ کسکا	روز و شب کی گھڑیاں	ڑھیر تراغینگ	حد سے زیادہ یاد آنا
غدیانگ	امید	تھیقہ	برداشت / صبر

*** تریسہ ***

- ۱۔ دی نظم پو بی ہر کنگو جی ان؟
- ۲۔ دی نظم پو بی جو کی کھی شعروے فشد پو فیس؟

سبکدوئل "شکر"

وزیر حامد حسین

شیر بلی بلی لگی نا ستر دونا سبکدوئل رگاشہ نا ہلتم تل، فل نارنگ یو دپی یل چک ان۔ شیر
سکروے کھنہ کھو میٹر خوم چو تھرتنگ یو۔ لوزیر فیروہی یل کونینگنا گھنگ روٹکنا اے تھو نمو رو یوئی
چوڑوٹیکھ۔ یونگما می منگبو شیر اونید۔ گوپی ژھر موئی زیروہ زوسے شیرنگ چوقہ دونو برالدونا باشہ
جونگ لہ نہ می دوکین اونگنی ان زرید۔ یو بی فری کوسید دغ چینگ غور و چونگ میونگ دوکین آباد
یو دپی ان سوک۔ اما لزالہ جھوس مینی کھ غور و چونگیکے ساٹوق سونگنی ان زرید۔ شیرگی کنڈیری
ہلتا سا شرکھینگ تھلے خپلو، نو بسینگ روگ یل، چنگ فیوخلہ یلدقند نا نگر دینہ جو بی فیو خ یولہ سکرو
یو دپی ان۔ سا تھو غی کھ نیسی رسی چوقہ تھو نمو ریگو کے ٹو (جھو غوری) یا یلینگ چین نا تھو کے
یو دپی ان۔ دی نیسی رسی تھو نمو چوڑو سنہ ستونگ چکنہ رگو بگیا نہ غنچونا بیچینگ اٹلی برق لہ تھو بی
ژھو پو پروفیسر ڈیسو سی کھیدے کھو نگیس۔ دینہ دے ژھو پو یا چوڑوٹیکھ۔ یونگے سا تھو غی کھ کھوری
مینگ پو ٹون چوکنی ان۔ جھو غوری (کے ٹو) مین ماہنگے ژھوڑے گھنگ ری منگمو یو۔ گھنگ چینگ
سا منگمو برالدونا باشینگ یو دپی ان۔ یونینگ نا ہسپر گلیشر لگی ٹونے یو دپی گھنگ چینگ چک ان۔ شیر
نا سونگے ہسپر رگلے گوانا نگر تھونید۔

شیرنگ ژھوڑھو جھوی جھوٹیک نیس یو دچک یولہ جھوٹرون دینہ اے چک یولہ بیسل زرید۔
رگوٹنگ یو دپی نت منگلولہ یا جھو فانیں یو دپی ان۔ ہلواحمہ رگیا زکوسی دی یل یولہ تھیک مید شزدونگ
شزدے بیاسے یو۔ یا وخی رن تھوس رنمو شے ردونگ یا برق نا روٹینگنا تھو بین یو دپی ان۔ یا
رنمو شے ردونگ مین ما پاڑوال زیر بی ردو سا یا سبکدوئل چن یو پونگ یو دپی ان۔ لق شیس یو دکھن کنی یا

ردوئيڪه نا رگاڻه سنودنه فچوڪهه له پڦي چيڪنگ کن سا فچوين يودپي ان - شيگرنگ رگيامرهوئيس يود -
 رگيامرهو چڪ يو برالدونا اے چڪو باڻه نا اوئيد - دي نيسڪا غوروچو زيربي ملسي ڪهه ناگرسي شيگر ملي
 فري سونگي ننگ ژهوق نامينگ. يونگ جهو غونگي ڪهه ب زيربي رگيامرهو بنگ گريميد -

باڻه نه اونگي رگيامرهو بنگ نو ليکي لياخمو سنگ سنگ خسير کن سا تهويد - ژهوے چڪ سا
 شيگري ڪهه سرفه رڻي فيوخله يود، يا ژهوے مينڻ پوله جربه ژهو زيربي ان - گوپي وڃي فچول ڪهنگ سا يا
 يونگ منگمو يود يونگ ليکي سينگما فچول ڪهنگ کن خانقاه معلي شيگر مل، مسجد امبوڙڪ ديهنه مسجد جهه
 برونجي ان - خانقاه معلي لونگي بگيانه فيد دونو سيد مير جي رحمة الله عليه فري فچو ڪفني ان سوک -
 شيگرنگ شينگ نه بقبو، ينگ ردويڪهه فچوسي يوپا جهو غو ديهنه تهو نمو فچول ڪهنگ جي گارميدپي ان - دي
 خانقاه يو فچواله شينگ ڪهن ڪهاچول نا ڪهيو ننگي ان سوک - دي خانقاه پينگ وڃ چيڪنگ مي ستونگ
 چڪ له فيق يا ثيانيد - دي جهو غو خانقاه يود تهو قو غبوس نجي سي ڪهورے يودپي ان - غبوس ڪني
 تهون پو فٽ خوم چو يود - ديهنه غبوس ڪني ننگ پو فٽ تروک يود - امبوڙگي مسجد يو امير کبير سيد علي
 همداني فياقوسي سنه بدون بگيانا نشونجي نانسينگ فچوسي ان - ڪهوري فياقو يا مسجدنگ شخن ميونگ لا
 جهوسي شيسو بلوڦي ان - جهه برونجي مسجد يو سا ليکي سينگمه ان زيريد - دي مسجد يونگ حضرت امير کبير
 سيد علي همداني رحمة الله عليه سي سوره مزمل سوسوے فرو نمو چن لڦي ڪها ريسے يود - محمد نا آل محمد
 ستود ڪهه فيونگ ڪهن بلتي سڪدي زدے ميد شاعر بوا شاه عباس رحمة الله عليه سڪي سويائل يو ان -
 گلدهه عباس ڪهوري فياقوسي فيونگي ستود ڪهي شوقبو ان - بوا شاه عباس مين ما، بوا مراد خان مراد
 اماچه، بوا حيدر خان حيدر اماچه نه بوا منصور دونگ سا شيگري ٿونه يودپي شاعر کن ان سوک - دوسے
 توسي شاعر ڪنينگه راجه محمد علي شاه صبا، شيخ غلام حسين سحر، ديهنه اخوند محمد حسين حليم شيگر ٿونه يودپي
 شاعر ڪني ژهير گوله يودپي ان - دي شاعر کن شيگر ٿون لو ڪهي هرتخنه ان - شگر مل له چوني ڪهر خوم
 فچوسيد سوک - چڪوله ڏونگي ڪهر، چيڪوله سينگما ڪهر، خومي ريسي فچوسي ڪهر يوله فونگ ڪهر زيريد -

ڈونکسی کھرنا سینگما کھرنی دوسے ہر تختونگ ژہ لوسے یود۔ فونگ کھرنگ چوبونگ کھوانگ دوکین یود پا
 اٹا لو کھینگ دونا آغا خان کلچرل سروسز پاکستان لہ مینے نا کھوئی سی ہوٹل فوجسید۔ شیگر یو لو ہر ژے
 شغرن یو سا بلتی یلینگ سینگپہ جھو غو یو لو ہر ژے ملسو ان۔ دی شغرن یو سا 782 بحری پا دونا فوجسے
 یودی ان سوک۔ یا شغرن یونگ یو لو ہر ژین ڈافوق تیانگے شنگیلی زدو حق کھن کھو دچن ہر تہ یو لہ
 وزیر عبد الکرم زیرے یو عباس فیا قہو سی شاعر یگنو ہر منگ بیاسے یود۔ شیگرنگ فمخولی ستقی سا منگمو
 یود۔ فیسے سا چولی فمخولی لکھینگ نہ یل بلتستانگ شیگر ٹونے یودی ان۔ فیسپہ بزویکھا شیگر ہر کن
 سترقی لگی نہ خل خل ہلمانی فدیسی حوم یو لہ جی زیوک۔

کھش کھش نہ لونگ

سترید یو / سکد یو	:	مالا مال	سینگے کھہ ب	:	دریائے سندھ
ہاتم تل	:	ہموار	گہنگ ری	:	گلشتر
جھو سمین	:	طوفان	خل خل	:	میٹھا / لذیذ
پاڑوال	:	زہر مہرہ	چولی	:	خوبانی

تریسہ

- ۱۔ شیگر سکر دیکھنہ کھو میٹر ژام تھقونگ یود؟
- ۲۔ جھو غوری (K-2) چوڑدیکھ چوقہ دونا گاڑھو یو نام یونگس؟
- ۳۔ شیگرنگ سنود دینہ فوجکھ لہ یقہ فوجسے ردو لاجی زیرید؟
- ۴۔ شیگرنگ حضرت امیر کبیر سید علی ہمدانی "فیقہو سی فوجو سی مسجد یو کو ان؟
- ۵۔ یو عباس زہیسی ستود کھی شوقو کو ان؟

Hrmikpa Ngisi Zdrung

Yale kasal kun malse chik la hrmikpa phrui ngis yodsuk ju. J̄aq chik de phru chik po si khuri ata la thong ma-chukpa bājoe khyongse na bājoe hr̄kokhma thone man po hr̄ta shilang tangs.

Dekha na khaltari mar chi chhonchi tangse na skangse yaqs. Dekha na kho si khuri ata la zers, "Le ata, yari shazde nga la twaq chi legi sngyan ongen yod. Yari shazde yaangi di mari bājo khure songse nga la lyakhmo twaq chi khyong." Do zerba na ata si zers, "Lyakhmo gik le bu." Do zere ato si mari bājo khure tsongma khers ju.

Ekha e hrmikpa phru chik po si hlchaqkari twaq chi lyakhmo hlchaq inma tsokh byase margashe byase phchose na khuri ato la zers, "Le ata dibik khpit po legi mangmoe gwed. Yaangi ya twaq po khere tsongse mar bar chi khyongs na lyakhmo gwed."

Ato si "lyakhmo gik le butsha" zere de twaq po khure tsongma khers. Dere kho drule lam d̄us chigi kha thonma na donchhed po e phrui ato na tum thuks ju. De ato si e ato la tris, "Le rgakhan yaang gar shakhphi in?" Trya na kho si zers, "Nga di mari bājo lyakhmo twaq chi na b̄jwa kherbi in. Ngi bu la twaq chi legi sngyan ongen yod." Do zerba na e ato si zers, "Onga lyakhmo songs. Nga sa di rgasha twaq po mar bar chi la tangma kherbi in."

"Onga lyakhmo songs, ngadang ngiska yong spespe bya khyong." Do zerba na e ato sa rans ju. Twaq tsongma khyongphi ato si zers, "Khyangi twaq po khure khiri nang nu song. Nga khiri bājo khure ngari nang nu gwed." Yo zere soso sosoe lam kun la drul le kasal.

Dere twaq tsongma khyongphi ato khuri nang nu thons. Bu si trya na zers, "Yale bu, ngalyakhmo mari bājo chik khyongsed. Dibik rgun po ngadang la ta qaral gwed. Dere j̄aq chi khaik la bu si zers, "Ata ya mar po b̄juse yaqpa khyong." Zere na kho si thab pekha kale me tangs. Dere bājo la tsho khorba na hr̄ta shilang po si mar po hup thene na bājoeng shilang po sholoq byungs ju. De phru la legi kha mang ongs. Kho la khsams, "Yo pa ngari ya hlchaqkari twaq po la hlten duktukpa. Yo tsokh po ata phchose

dukpo pa nga phyane gik." Yo khsamse kho ta nang nu na byungse songs le kasal.

Ekha twaq lenphi ato bi phru si jaqme ngis khsun la twaq poeng sman rinđi tangse hrtakh chi la phangma songs le kasal. Kho si twaq po hrtakh la phangma nađam po na ngyambo hlchaqkar la gar khađs ju, bjaqse ngis songs le kasal. Khuri khaa mik kun la sman chhar phoqse tshob tshob songs. Ta kho la khsams, "Yo tsokh po ata phchose tshong la tangma na, rab chhadphi hlchaqkari shushui khyonsed." Kho la sa yo khsams "Yo tsokh po ata phchose dukpo pa nga phyane gik." Zere na kho sa phyane druls le kasal. Chik po thuru na phyane genu songs. E chikpo genu na phyane thuru songs. Lam gatchigi kha khong ngiska sa thuks le kasal.

Chik chik po la gar gwe in zere trya na chik po si zers, "Chi le rgakhan, nga si chine rgashe twaq chi phchosedpa. Ngi ato si khwang sa mi phchose tsongma khere na hrta shilangi bajoe khure ongsedsuk. Yo ata phchose dukpo pa nga phyane gwe in." Do kwa na e hrmikpa phru si zers, "Onga khiri hlchaqkar po rgyala? Chhon kale bale tangse yodpi insuk. Nga si hrtakh la phangma na đam po na ngyambo dra ngis songs."

Do kwa na twaq phchokhan hrmikpo si zers, "Le rgakhan ngadang ngiskoe hrmik po dra na dra songs. Ta ngadangi ya hrmik kun yang malse la bya khyong. Ngati yuling ta gangma la ngonsed, ngati hrmik kun yang drulbi men. Ngadang yang malse chik la byung." Yo zere khong ngiska yang druls le kasal.

Dere jaqme khaik la khong yang yul chigi thange la thons ju. Yuli thange la moryangmo api chigi nang po yodsuk. Khong ngiska de tshan po moe nang nu brangsa duks le kasal. Dere tshan la khongi si api la tris, "Ina ango yul kuning chi khpera yod?" Api si zers, "Chi khpera yod le bu, yul kuning chang sa theb thab chi med. Nga moryangmo la su si chi zered na chi kwed?" Khongi zers, "Le ango kosphe tshorphe chi sa khpere tong."

Zerba na api si zers, "Le mili ata ngai yuli baadsho shise diring na jaqma bdun songs." Khong la yo kwa na zers, "Akh le, de baadsho legi lyakhmo yodpa. Kho rgalsa?" Chik po si e la zers, "Le ngadang baadsha la phatiha batihe la dong." Do zere na khongi api khide khudangi si khure

ongphi khurba ngiska hltskhma la khure, baadshi rong khangi phyokh la api si zgur ben lam

hltane khong khers. Dere khong dekhā thonma na khong la thongs, stongma rbe tangse yodsuk, amma sabaq zerbi akhond bakhond chi su sa medsuk.

Khongi si api la zers, “Ango ju, yaang khurbo khure loqse song. Ngaya baadsha la sa zdam budpi phyaqchi ben duged. Kho ngai ata la mangmo phanphi in.” Do zere na ngiska de stongma rbeng jukse sabaq zerba tsokhchi ben duks. Dukse na khongi grakhpho bedpa. Twaq phchokhan po si zers, “Le ngadang ngiskoe hrmik po ya moqi kha lasing ongs na onged, med na med.”

E hrmikpo si zers, “Onga zer, ngadang chi bek?” Zerba na twaq phchosphi hrmikpo si zers, “Ngadang namzo bulba chik na baadshi rong khang po bi kanglokhi khemang po phuded, dekha na khyang deng jukse duk. Nga si yang khemang po kale na saa be tangse yang phchose yaghed. Dekha na nga baadshi kharing gwed. Songse salaam balaam chi byasphi lza la bwa gar shakhs zere tred. Trya na khongi zerbat, “Bwa gyure jaqme khaik songs.” Zerba na nga “Yaa Allah, yaa Imam” zere goeng tyangen branging tyangen qao byase ngwed. Dekha na baadshi bu la zered, “Onga yari shazde, ngai ata si tshong la songse loqpi wakh la khseri kyalbui chik baadshi shidiya yaqpa mine yodpi in lo. Dibik khpit po mangmoe gwa na “yari shazde” zere, ata si yo khyongma tangphi in. Gwana yari shazde yo shazde byos.” Zerba na khongi zerbat, “Ngaya la bwa si chang hrmang chi byaspha med. Khyangi ghzon tangmi in.” Zerba na nga si zered, “Yari shazde, yidangma-chhes na yari babi duksakhi kha bwa la trya shokh. Shakhse yaangi zer, ‘Mi chik ongse yari shidiya khseri kyalbui yaqsed zered. Do chi in ju? Yo yodpi ina men? Yodpi in na yodpi in zer. Medpi in na medpi in zer.’

Zerba nakhyare medpi baadsho si chi zeruk? Khyangi mazar ping na yo zer, “Haq in le butsha. Ya khachem po zerba bjedpho si nga la ishen tsharang hltanen yod. Me ghdu songsed. Khiri shazde shokhmo kho la de khseri kyalbu mine tong.” Zerba na khong la khsamed “Yalengari bwa la ishen tsharang nang. Khseri kyalbu khyongse kho la shokhmo mine tong.”

Dekha na shaami tho gwa na nga ongse khyang rong khang poeng na khemang po lene phyunged. Dekha na ngadang ngisko si khseri kyalbu la phed bed." Zere na khong choq namzo bal bul gwa na ngiska si baadshi rong khang po bi kanglokho bruse khemang po phude na de baño phchokhan po dengjukse baadsha na shul zdep tangse duks.

Ekha twaq phchokhan po si khemang po kale thalba balbe tangse penji phchose na khobaadshi kharing songs le kasal. Baadsha la salaam balaam chi byasphi lzeng tris, "Ina le kasal, bwa gar shakhs?" Zerba na baadshi bu si zers, "Chi bek le rgakhan, bwa store diring na jaqme bdun bgyad chi songs. Khyang su in, gar na ongphi in?"

Zere trya na kho qao byase ngus, go rdungs, brang rdungs. Dekha na kho la kharing na zan ban chi khyongs. Yo za chhampha na kho si baadshi bu la jwa byas. "Yale kasal ngai ata si naming tshong la songse na loqpi wakh la khur po hlcho gwa na khseri kyalbui chik baadshi shidiya amaanat yaqse yodpi in lo. Yo dibik khpit po mangmoe gwa na ata si khyongma tangphi in. Yari shazde song na yo lzoqse min." Do zerba na baadshi bu si zers, "Le rgakhan chang chhadkha medpi, hana ngai bwa si chang hrmang chi byaspha med, na ngaya la kospha med, na khachem chi zerpha med. Dukpi skil la khseri kyalbui gar na khyong?"

Kho si zers, "Le mili ata, nga ghzong cha tangnuk? Yaang ma-chhes na yari bwa la tryashokhs. Bwa si yod zers na nga la thob khan, med zers na mi-thob khan." Do zerba na e mi gangma sa tang bgyale na zers, "Le chi stroqmed chi yod? Chi khpere zered? Shisphi mi chigi rong khang na khpere zeruga?"


Do zerba na kho si zers, "Le baadshi bu, yaang shokhs. Baadsha si yod zers na thobtuk, med zers na mi-thob yang." De jaghi tshan po kho kharing duks.

Gyokhsa na baadshi bu na ngiska hltsakhma bakhme khure baadshi duksakhî kha ongse,phatiha batihe byase hltsakhma bakhmong bgose tangse na baadshi bu si zers, "Yale bwa kasal, dine mi chik ongse kho si zered, khongi ato si yari shidiya khseri kyalbui chik yaqse yod lo. Do chi in ju? Yo yodpi ina men?"

Do zerba na ekha bafo phchokhan po de rong khang ping jukse yodpi la, kho si deng na zers, "Hai le butsha, ya khachem po ma-zerpho si me ghdu songse ngi jingma la jukse yod. Khiri shazde yo kho la khyangi shokhmo mine tong. Yo zerbo nga la bjedsuk." Do kwa na gangma bgyale droqse zers, "Le khoe haq in mang. Min, kho la shokhmo byase khseri kyalbu phyungse mine tong. Med na bwa la yang tsamtse khris khris gwat."

Baadshi bu si de mi la zers, "Yale phru, nga la na ngozin med. Khiri khseri kyalbu go in na khyang phyungse kher." Zerba na kho shokhmo byase songse khseri chhogho kyalbui chik la thaqpa tangse khure phyungse khyongs ju.

Ekha de shargo bafo phchokhan po rong khang poeng na phyungma sa - ma-gwa kho shokhmo byase ya kyalbu khure, khuri nang nu songs le kasal. Shargo bafo phchokhan po jaqma khsum songs, kho deng nu ngit ongse hltokhse hltokhse na kho ina mazaring trospi stab songs. Dere kho deng na langse khemang po la go bo tyangen kang phras sa phras byase byungs le kasal. Thalba phed chi rong khang poeng songs. Dekha nakhemang po kho si



yang kals. Thalbe chhonchi yang khaltari tangse penji phchose ongma na kho la hrkaphu chiging na khseri kaphshi yaka chik bude yode thobs le kasal. Kho la khams, "Yale, baadshi bongo yori khorba ongse moe kaphshi yaka

chik po yekha budphi inmang." Do kho si katpi kas bar chiging bore na e yaka chik po tsale songsle kasal.

Dere e twaq phchokhan po si kho shiseda yod zerbo hlta la ongse de rong khang po bi shidiyasna kale chang skat chi kwanga medang hltas. De man na kho la de bafo phchokhan po aha naongmo thongs. Thongma na kho songse zers, "Le rgakhan, nga khyang phyungma ongphi inpa. Khyang di rong khan ping na chi byase byungs?" Kho si zers, "Le khyang rab chhadphe inmang. Nga hltsangma onged zere na diring na jaqma khsum song. Nga hltokhse hltokhse shedsuk. Hltokhse hltokhse na ngi mik kun thob songsed."

Do zerba na twaq phchokhan po si zers, "Le nga, baadshi bu si yang ya khseri kyalbu koqsekheruga khsumse, shokhmo byase yo nang nu phangse na khyang phyungma ongphi inpa. Ongakhyang gar songphi inpa?" Bafo phchokhan po si zers, "Nga la khseri kaphshi yaka chik thobsed. Do e katpi bar poeng bore na e yaka chik po tsale gwe in." Zerba na kho si zers, "Ya ya, do in nashokhmo songse e yaka chik po sa tsale khure ong, dekha na ngadang ngisko ngyambo gik." Twaq phchokhan po si katpi bar ping hlta na kho la de khseri kaphshi yaka chik po thongs, thongma na kho yo khure shors.

Dere bafo phchokhan po la e yaka chik po ma-thoba loqse ongse hlta na kho la thongs, twaqphchokhan po si khseri kaphsho yaqphi malsi kha na khure shore medsuk. Dere kho si kho bdasekher le kasal. Kho shors, kho si bdas. "Yale di rab chhad po si ya kaphsho khure bgyugang" zerena khwang sa bgyuks.

De twaq phchokhan po shore shokhmo khuri nang poeng juks. Ekha bajophchokhan po thone na chik la tris, "Le rgakhan khiti yuling yodpi de hrmikpo bi nang po go in?" Trya na kho si kho la de hrmikpo bi nang po hltans. Nangi zgo chukse yodsuk. Kho gyab pori khore hlta na kho la thongs, gyab poeng nu karkong chik yodsuk. Ya karkong pori hlta na kho la thongs,

twag phchokhan po ngit ongse khuri bustring po la zeredruk. "Yale bustring, paqzi baŋo phchokhan po ongs na kho la nga mala ongpha med zer." Bustring po si ya zers, dekha na zers, "Ngati de phyukpo chhogho si diring bal khal tanged lo, nga dekha gwed. Nga khyang la zan ban chí phchose yaghed. Khyangi zo."

Dere twag phchokhan po si ngit ongse dukse na zers, "Choqpa ya limik kun zbase yoq he." Zerba na bustring po si zers, "Katsi limik po katsi zgoe thoq bar la yod, balŋi limik po limik tshang thangar oqping thalbing tangse yod, phimi limik po ya nangjong phyal la tangse yod. Khseri kyalbu ghbusi shidiya dong ping khaltari phungma tangse yod. Dē tshangma kho la chi byase hrtakhpa gik? Kho la nam thobed?"

Baŋo phchokhan po la de tshangma choq kos le kasal. Mo bal khalba gwe man na kho shokhmo byase songse moryangmo api chigi nang nu thons. Kho si api la zers, "Le mili ango, nga la yari gonchas chi kotchi chigi phari rgosed. Nga yaang la thad chukse chigang mined." Api si zers, "Do chi be in le mili ata?" Kho si zers, "Do nga yaang la ongse na zeruk. Yari gonchas po nga gone gwe men, yaang la lzoqse khyongse minmi in. Kotchi chigi phari nga la rgospi in. Lyakhmore min le ango, chhadpoe ma-min. Yari shazde marpho dakhon chi marpho gonme na marpho tsenui min." Api la khmül chi gha mine na kho si de gonchas kun khyongse gone dakhon po goe kha kale kho songs le kasal.

Dere de baŋo phchokhan po la zgoe phirol na laqpo choq tangma na kho la limik po thobs. Kho zgo phese nangjong songs, shokhmo byase ot po spars. Ta de twag phchokhan po tshan gon po goe kha tangse ngit ongse yod. Kho si zers, "Le bustring loqse ongsa?" Kho si skat po phrango byase na zers, "Onga chi nga la las chi songse loqse ongphi in." Dekha na kho balŋi limik po thalbi oq na phyungse balŋing songse phe chuse khyongs. Mar chi sa khyongs. Khurba tangse krosar byase khwangi drang drang zos.

Dekha na thaqpe chik phyungse na ya phrango skat pekha zers, "Le le ngati de phyukpochhogho si gyokhspi kha sa phud tangmi thik medang. Do phari khiri gyokhspi khabor po sa khiri go sngyasi kha yod he." Zere na kho shokhmo byase balŋi limik po thalbi oq tangs, thaqpo khurs, zgo chads. Katsi

limik po laqtshot bya na do sa thobs. Dekha na kho katsing songs. Kho la kosedpa, khseri kyalbu gbusi shidiya dong ping khaltari phungma tangse yod zere. Kho si gbus thangar yodpi phungma bungmong phyaqse phangs. Dongi kha phes. Khseri kyalbu phyungma nakhseni kaphshi yako sa do bi khaltari yaqse yodsuk. Do sa kho la thobs. Dekha na kho kyalbu la thaqa bore khure byungs le kasal. Katsi limik po yang gopi malsi kha yaqs. Kho kyalbu na kaphsho khure shor shor la shore khuri nang nu songs le kasal. Dere kho nang nu thone hltur ngit tangse duks.

Ekha twaq phchokhan po bi bustring po gyokhsipi kha ongse kho la khabor chi phchose "No, di khabor po," zerba na kho si zers, "Le chharungo khyangi gunde tshan la na ren chi tsam nga la khabor chi phchose minmi in? Tshan la zan chi phchose khyongs, dekha na krosar chi khyongs."

Do zerba na bustring po si zers, "Aya, nga mala loqse ma-ongphi!" Do kwa na kho si tsenui kangya chik poeng kangma ngiska tangse burum baram ben chhongs le kasal. Bustring po si zers, "Le ruspa thuspa kangma chik po tsenui aha kangying bore songi." Dere kho katsing songse hlta nakhseni kyalbu na khseri kaphshi yaka chik po ngiska khere medasuk le kasal.

Ekha bafo phchokhan po si khuri bustring po la zers, "Chhare na sngyas chi handoq khuredong. Thonmore mi chik ongmi in. Kho ongmo thongma na, ngi goe kha qar po tangse na khyang ngus. Kho ongse 'chi song' zere trya na khyangi zer, 'Ta chi bek le kaka, dai na kho hltweng tshed zeren kang phras laq phras ben duks. Dose choq yekha kho rgals. Nga mangwa su ngwek?"

Yatse man po kho si hltokh ma-chukpa grang ma-chukpa gonchas chi chhad ma-chukpa yaqse na diring ashi pa na bar bya na nga ma-ngus na su ngwek?" Do zerba na kho si zers, 'Onga khiti sngen ben su yod na khyongma song.' Zer na khyangi zer, 'Chi bek le kaka, sngen ben sing na chhade su na sa go bor chi medpi in. Gangma na chhade yodpi in.' Zerba na kho si zers, 'Khyangi saa phong, nga hrkwa gwed.' Dekha na khyangi kho la zer, 'Sharkhi phyokh la karkong chi sa yoq zersed he le mili ata. Kho legi jikhmo chan chi yodpa.' Khyangi yo zer he." Dekha na kho si handoq thingchas things, sngyas chi tangse ngit ongs le kasal.

Bustring po si hlten duks. Dere mo si zers, "Yale kho ongang he." Zerba na kho si zers, "Onga khyangi ngi goe kha qar po tong, khyang ngus." Mo si khoe goe kha qar tangs, mang ngus. Kho kangma laqpa thar bar hrkyangse ro kyang songpha tsokh byase duks. Mo ngwen duks. De man na kho thons.

Twaq phchokhan po la do thongma na zers, "Chi songs le ashe, chi songs?" Mo si zers, "Le mili ata dai na hltweng tshen kang phras sa phras ben dukse na dose choq kho shargo rgals. Ta chi bek, nga ma ngwa su ngwek?" Zerba na kho si zers, "Ngaya ngiska wada yodpi in. Nga shis na khwangi khrwa, khwang shis na nga si khrwa. Onga grongi sngen kun la ong zer." Mo si zers, "Kho gangma na thampha chan chi yodpa. Su na sa ong go medpi in, su na sa go bor khwang medpi in."

Do zerba na kho si zers, "Ya onga gopa khwang hltsakhma bya khyong, dekha na kho garkherbi in na ngadang ngiska si kheruk. Dose ngadang ngiska si hltsakhma bya khyong." Mo si chhu tsho byase khers, kho si taghri zgo phude things. Khrwa la ngiska si lene khere zgoe kha yaqs. Kho ta kangma laqpa thar bar hrkyangse khaa mik thaq tsumse duks. Ta khrukhan po sa khwang, hrten khan po sa khwang, chhu tang khan po sa khwang. Yuk la lzoqtuk zerba na lwaq yuk la loqs, yuk la lzoqtuk zerba na lwaq yuk la loqs. Kho la khsams, "Kho legi phchol khan chi insuk, laqpa thukpa chik khwang lwaq lwaq loghang." Dere khrwa chhams. Zgoe kha yaqse na mo si sheleb chi khurs, khwangi genti chik khure rong khang po hrkwa songs. Kho si hrkos, mo si saa phangs.

Dere hrkose brang gang gwa na kho si tris, "Rdwe be?" Trya na asho si zers, "Le mili ata, ya karo ngati in. Yo tile hrtsik yang." Ngiska si do tile rdong khyongs. Mo si rdwa mins, kho si hrtsiks. Dekha na mo si zers. "Le mili ata, sharkhi ljong la karkong chi sa yoq zersed. Kho legi jikhmochan chi yodpa." Kho si "ya" zere sharkhi ljong la karkong chi yaqs, dekha nakhemang kals.

Rong khang po phchwa chhams, sheleb po de rong khang ping bore na ashe la zers, "Yale ashe, ta ngadang khwang khyongma dong." Khong songse kasko khyongs. Ngiska si twaq lene kaski kha kals. Ras bas chi khyongse khoe khaltari tangs. Dekha na ngiska si sngye kha kale phaqtu bya

khers le kasal. Rong khang shidiya thonma na kho dekha yaqs. Dekha na twaq phchokhan po kho phaba la rong khang ping songs. Mo si gongmi kha na mins, kho si lens. Dere kho rong khang poeng phabs, kanglokhi kha khemang kals.

Choq saa phangma na kho karkong pori khong gwa la hlten duks. De twaq phchokhan pokhwang sa hrmikpa la! Kho la khsams, "Kho rab chhadpha si karkong chi yoq zere yaqsed. Kho si chi na chi theb chi bed." Dekha na hlta na kho la ahikha chhaqpo rong khang chi thongs. Kho hlta la deng jukse duks. Bafo phchokhan po si karkong pori hlten yodpa. Kho la do thongma nakhsams, "Yale di rab chhadpha yeng na byungse medpa nga sa mi-byung." Zere kho si karkong pori hlten dukse dere tshan phed songs.

Dere hrkunme khsuni malse la na chigang chi mangmoe hrkuse khyongse yekha boq spungs. Dekha na do la po khsun byas. Ras chi sa yodsuk. Do la sa po khsun bya na chikpo la ras khru khsun yuntse songs. Gwa na kho si zers, "Hrkus na khsunka si hrkus, zbas na tshanka si zbas.

Ngespa ongs na tshanka la ongs. Nga la khru khsun yuntse go cha? Nga la mala rgospa med. Ha yang khrwang na phed re chade nga la min. Do med na ye sa khidangi kher. Nga la mala rgospa med."

Zerba na e chik po si zers, "Le ngaying na chade khere chi bed? Diring choq mi chik shies yekha khyongse de rong khang ping tangsed. Khoe shishaq po phude khyongs na khyang la khru chobgyad churgu gwat." Do zerba na de hrkunmo si zers, "Ya onga nga tsa cha gwe? Khsunka songse khoe kanglokhi kha hrkwa khyong." Do la tshanka rans.

Dere khong tshanka songse, de rong khang po hrkwa ryakhs, thalbong aha diha phangs. Khemang kun koqse laqpa tangnuk zere man na dere deng na kho si, "Le dere rong khangingshimi la sa duk chukpa med he," zere qa byas. De man na aha rong khang ping na twaqphchokhan po si, "Yale shimiung la sa duk chukpa medang." E shimiung la sa "langse ong shikhe" zere qa byas. Dekha na do sa zers, "Khongi ngati shishaq kun phude kherang. Khong ngadangza khyong." Do kwa na de hrkunmong legi droqse na khong shors.

Twaq phchokhan po na baĵo phchokhan po ngiska deng na byungse thuks. Twaq phchokhanpo la baĵo phchokhan po si zers, "Ta di chigang tshangma ngadang la khuda si shazde byasphikhsere in. Khyang songse ngi bustring po la ngi gonchas kun min zere khure ong. Mang la'chorong borong chi thaqpe phatse khure ong' zer. Khyang sa chorong chi thaqpe khure ong.

Dekha na ngadangi nang nu khere na dra dra byase bgwed." Do zere shishaq poeng na gophyungse duks.

Twaq phchokhan po songse, "Ashe, ashe" zerba na mo si droqse, "Chi song le mili ata" zebra na kho si zers, "Yaangi shokhmo ot chi spor. Khuda si ngadang la sparsed."

"Chi song le mili ata" zere na mo si ot chi spars. Kho si zers, "Khoe gonchas kun khyong,dekha na yaangi chorong chi phatse thaqpe khure ong. Nga la sa chorong chi thaqpe khure ong."

Dere twaq phchokhan po si gonchas kun khure bgyukse khoe shidiya thons. Asho sa chorong chiphatse thaqpe khure thons. Baĵo phchokhan po la kho si gonchas kun skone na zers, "Di boqkhsunka hrkimse ma-phong. Yo loqso loqso kherba byos. Ya ashe, yaangi di boq chik po kher.

Nga si di boq chik po khered. Khyangi di boq chik po kher. Yo khere nang nu loqso loqso spung."Po khsum songs.

Dekha na twaq phchokhan po si zers, "Dyu ldan chuk khani minphi shazde in. Ashe sikhyongpho ashe mangi kher. Khyangi khyongpho khyangi kher. Ngangi khyongphi po ngang layoq. Ta khseri kyalbu la ngadang dra phed byos. Khseri kaphshi yako rong khang poeng yodpiwakh la khyang la thobphi in, do khiri." Yo la khong ngiska thade rane yang dyu la dikha su lahrmik mi-be, hrku mi-hrkwe, ghzon mi-tangmi chhad byase, khudang khuti nang nang la songsethade dukphi rung nakhpera. Khudang ana, ngadang dina. Khuti kheng thara ngati kheng khara.

TRISA

1. Baadshi rong khang pikha gwa na hrmikpa ngiska la chi thongs?

2. *Bajo phchokhan po la hrkaphu chiging na chi thobs?*
3. *Twaq phchokhan po si "limik kun zbase yoq" zerba na namo si chi zers?*
4. *Hrkuse khyongphi mal po la po khsum bya na chik po la chi yuntse songs?*
5. *Di rung po bi kha na yaang la chi sabaq thobs?*

